




Skuli Thorlacius
De lingua humana,







401
Skú

64/2

Q. D. B. V.
DE
LINGVA HUMANA
DISCURSUM

MODESTÆ OPPONENTIUM CENSURÆ
SUBMITTIT
SKULO THEODORI THORLACIUS.

DEFENDENTE
PRÆSTANTISSIMO ET OPTIMÆ SPEI JUVE NE
FRIDERICO GOTTIEB SPORON,
PHILOSOPHIÆ BACHALAUREO ET S SANCTÆ THEOLOGIÆ STUDIO SO,
IN AUDITORIO



Die Decembris ANNO MDCCLXV. h. a. m. f.

HAFNIÆ, typis ANDRÆE HARTVIGI GODICHE,

A decorative rectangular border with a repeating interlaced knot or chain-link pattern, enclosing the text.

Imprimatur

C. HORREBOW.

V I R O

SUMME VENERABILI ET AMPLISSIMO

D O M I N O

P E T R O H O L M I O

S. SANCTÆ THEOLOGIÆ DOCTORI, EJUSDEMQUE

IN ACADEMIA REGIA HAFNIENSI

PROFESSORI P. O, PRIMARIO

ET

COLLEGII CONSISTORIALIS ASSESSORI,

V I R O

SUMME VENERABILI ET AMPLISSIMO

D O M I N O

PETRO ROSENSTAND
GOISKE

S. SANCTÆ THEOLOGIÆ DOCTORI,

ET

PROFESSORI P. ORDINARIO

COLLEGII DE CURSU EVANGELII PROMOVENDO

MEMBRO

ORPHANOTROPHII REGII DIRECTORI

CONSISTORII ASSESSORI,

Viri summe Venerabiles !
Mœcenates Optimi !

Non quod vestro par examine judicem
hoc, quicquid est, speciminis, nec,
quod hac occasione fieri adsolet, ut, minus
placituris, etsi verissimis laudibus vobis assen-
tari velim, sed, ut devinctissimi vobis animi,
verecunda jam dudum gratitudine ebullien-
tis, quod nunc primum possum, quod uni-
cum, pignus & documentum publicæ luci
exponam, hæc pagellas Vobis inscribo; iis
enim me beneficiis, licet immerentem, estis
demeriti, quorum memoria, ex hoc pectore
non nisi cum vita migrabit.

Faxit ille, qui suo pro lubitu sapientis-
sime benigno nobis annos numerat & even-
tus, ille, inquam, dator bonorum omnium,
& malorum averruncus Deus, ut laborum
Vestro-

Vestrorum fructus saluberrimos, quam diutissime sua percipiat ecclesia; ut illi, per multorum adhuc annorum revolutos orbis, ad feram usque ætatis vesperam incolumes prodesse queatis; donec tandem, mortalium albo exenti, eorum, in triumphantium coetu, numerum augetis, reportatis præmia, qui aliis, in hac umbrosa dolorum valle, doctrina & exemplo præluxerint. Excipiat igitur, Reverendi Patres, vultu, quam soletis, sereno, qvale quale istud, qvoad Vestras aras mente devota deponitur, munusculum, meque favore Vestro dignari pergatis; Sic Vobis, novi, qui jam propediem inibit, anni, bene soles niteant

Vovet

VESTRA

Viri summe venerabiles!

N O M I N A

Observantissime culturus

A u t o r.



§. I.

Nisi fallunt præcepta veterum, quæ jubent "*tempori parere, & sequi Deum, & se noscere, & nihil nimis*" (a) rerum quibus insudat sollicita mortali-
um cura, tempus operamque minus pleraque meren-
tur, quam sui ipsius scrutinium: Illene aut stultus habebitur, aut ingrato similis, qui, quale quantumve in se alter beneficium contulerit, & ipse non novit, & agnosce-
re negligit? Ita vel sensum omnem, ne dicam sui curam exuerit, oportet, qui cum divinam erga se bonitatem iusta lance pensaverit, in devotissimam Numinis venerationem, debitasque eidem grates solvendas, totus non solvitur; tot enim tantisque utramque hanc hominis partem donis exornavit Deus, rerum autor & arbiter, quot & quantis nullum cæterorum, quæ nobis in sublunari hocce territorio convivantur, animalium.

§. II.

(a) Cic. de Fin. bon. & malorum Ed. Schrev. p. 1082.



§. II.

Verum, quæ nostra vanitas est & audacia, nitimur in vetitum, & circum ea claustra fremimus; quæ, pro præsentē statu, cognitionis nostræ terminos esse voluit provida Dei benignitas; Vagamur per externa rerum, iisque inhæremus, quæ nobis partim invia, partim inutilia sunt, cum hoc mundo itura pessum, & quorum nobis cum illa lucis usura, usus peribit; ea vero, quæ nobis proxima, individua, & quæ nos in futuram usque vitam comitabuntur, ibique, prout illis hic usi fuerimus, vel damno futura, vel deliciis, quasi nostra attentione essent indigna, aut parum curamus aut nihil.

§. III.

Eqvidem largior, externa illa & corporea, quibus adeo delectamur, & quæ sensus nostros delicato quodam morsu titillant, pro sua quælibet indole esse totidem Majestatis divinæ testes haud fallaces, quo penitius tamen singula contemplaris, inter tot rerum miracula, exactius perfectionum divinarum speculum non invenies, quam admirabilem illam hominis ipsius fabricam, cujus duæ partes, anima nempe & corpus, sive eas junctim, sive divisim consideres, vel sagacissimo cuique, totidem sunt, eruntque semper ænigmata,

§. IV.



§. IV.

Qvam mira non est anima illa nostra, mirabilium tantorum iudex & artifex, divinæ naturæ imago, qva fontes omnes veri rectiqve referantur, qva Deo unimur, & creaturis imperamus, in cuius memoriæ diversis cellulis, tot varia reconduntur, quæ cum necessitas urget, integra & sine minutissimæ circumstantiæ iactura fideliter redduntur, cuius vaga & subtilis phantasia extra omnes mundi sphaeras venatur, nullis limitibus nisi suis contenta, præterita in tempus præsens retrahens; & tempus præsens, ne transvolet, figens; internis suis bonis perfecta, ab externis secura. Recta tamen ratio, tantum cæteras animæ dotes superat, quantum illæ externos sensus, huic enim tanquam supremo tribunali omnia submituntur, & ea tanquam scala in cælum ipsum ascenditur, illa est, quæ imaginationis alis & memoriæ thesauro utitur, nec illis elata, nec hoc oppressa (a)

§. V.

Corpus quod attinet, quis capere potis est aut explicare satis, qva arte in ocello, dicis causa, & auribus tot & tam variæ imagines recipiuntur, sine confusione vicinæ,

(a) Joh. P. Hebenstreit de Humanæ ratioc. infirmitate.



vicinæ, & cum varietate integræ. Vincit tamen omnia mirificus ille corporis animæque consensus, qui, licet diversissimæ sint indolis, concordant tamen semper, & in amicissima vivunt unione, in quo commercio explicando, quod laboriosius rimatur acutissimus quisque hoc magis caligare videtur.

§. VI.

Non ingrediar jam, fragili rate, tam immensum cogitandi dicendique oceanum, tot tantorum naufragiis insignem, sed in orbitam redibo, & unicum miri hujus corporis animique consensus exemplum adducam, nobile scilicet illud rationis & orationis in homine connubium, quod, si non solum, saltem præcipuum esse, quod eum a reliquorum animalium ruditate longissimo intervallo sejungat, non erraverit asserens, ut, cum Cicerone (a) ad rationis & orationis culturam referri posse arbitrer, quicquid *humanitatis studiorum* splendidum nomen meretur.

§. VII.

Uti enim inter animæ facultates principe loco ponendam esse rationem in confesso est, ita & loquelæ inter corporis

(a) Cic. Or. pro Arch. Poëta Cap. 2.



corporis nostri perfectiones primas deferre non detrectabit, qui, quantum sit loqvella artificium, quamque usus ejus rationi sit indispensabilis, paulo attentius perpenderit.

§. VIII.

De priori si quis dubitat, an tantæ nimirum sit artis opus, concessa nobis cœlitus loqvendi facultas, eat, quæso, edicat, qui fieri possit, ut anima illa nostra, sublimis, subtilis, ditissima sensuum, omnis tamen expers materiæ, mandare queat quicquid habet varii, sonis quibusdam ex gutture protrusis, qui, dum rapide prætereunt, in transitu narium, palati, lingvæ, dentium, labiorum quasi typis in varias formas exprimuntur, sicque formati liberum ingrediuntur aëra, per ejusque volubiles gyros, eodem ordine, eadem velut figura, qua prolati sunt, occulto vehiculo ad circumstantes transvehuntur, & pro excipientium numero multiplicantur illæsi; eadem facilitate aures intrans, & per flexuosos harum ductus & mæandros ascendunt in cerebrum, ibique in animarum, ad quas mittuntur, quasi curia, quod sibi a domino commissum erat, pari fide quisque deponit & exsequitur; sive rerum secum imagines vexit, sive sedatos ciere affectus, aut excitos mulcere jussus sit.

§. IX.

Præstare vero sermonem usum rationi, usu rationis non orbus, nemo ignorabit: est enim rationis index &



interpres loqvela, quam, sicui vel noverca natura, vel
 fors negaverit iniqua, parum abest, quin illa ipsa ratio,
 negata brutis, obbrutescat & obliviscatur sui. Cum lo-
 qvela incipit, & crescit usus rationis in infantibus, qui
 in mutis surdisque natis exiguus esseprehenditur, &
 quantum educationi, mutuæque per vocem institutioni
 homo debeat, suo docent exemplo ii, qui vel inter mu-
 tos, vel bruta, proximum infantiae tempus egerunt,
 cum illi fere nihil loqverentur, hi autem feris, quarum
 consortio erant innutriti, feritate haud cesserunt, tam-
 que parva dederunt rationis specimina, ut eos, a cœte-
 ris brutis, nihil nisi corporis forma distingvere videretur,
 & donec humano paulatim commercio mansvescere
 & mitigari cœperunt, præter raucos & inconditos ani-
 mantium, quibuscum maxime conversati fuerant, so-
 nos proferre non potuerunt (a).

§. X.

Est igitur sermo rationis nostræ vita, & quædam
 quasi, per quam ipsi spirant Spiritus, respiratio; ut enim
 parum proderit corpori, hausisse vitales auras, si Spi-
 ritus interclusus, qua venit, reneare nequeat, ita vege-
 tus ille mentis nostræ vigor, si non profus extingvetur,
 langvebit

- (a) Istius generis aliquot exempla invenies in Jac. Carpov. de Per-
 fectione Lingvæ §. 40. Sch,



langvebit oppido & obtundetur, nisi, quas sensuum ope receperat, totidem veluti omnis cognitionis infundibulis, imagines, interprete lingua, reddere, & cum aliis communicare possit. Hoc sermonis commercio & docemus alios, & discimus, nos & alios oblectamur, juvamus; loquendi igitur facultate sublata, ad ruditatem & ignorantiam plusquam barbaram, imo ferinam lapsum ire magis certum est, quam probabile.

§. XI.

Adde, quod, cum omnis nostræ cognitionis naturalis ultimus fons & origo sit experientia, quam sensuum auxilio acquirimus; notiones autem sensuales, quæ tales, obscuras esse Philosophi docent, cum ea demum objecta distincte sciantur, quorum notas peculiariter & nobis sistere, & narrare aliis possumus; dubitari non potest, loquelam, in illo præsertim rerum statu, ubi cognitio nostra tota quanta, fere symbolica est & signis adstricta, esse insignem habendæ distinctionis idearum, & proinde perficiendæ cognitionis nostræ adminiculum.

§. XII.

Porro, ea est hominis natura, quæ ejus etiam nec minima præ brutis prærogativa est, (unde eum



Ζῶν πολιτικὸν vōcavit Aristoteles) ut non sibi tantum, sed & aliis vivere ipsa natura quasi magistra sciat & didicerit; Ille status & conditio, ut sine societate cum cæteris, persæpe ne vivere quidem, multo minus commode & jucunde vivere possit; Ast urbem sine solo condere facilius, quam societatem inter homines sine facultate cogitata sua cum aliis communicandi, aut inire, aut colere.

§. XIII.

Quæ omnia satis monstrant esse loquelam vitæ sociāli prorsus necessariam, & sine sermone vitæ rationem longe miserrimam futuram, (a) quippe quæ societatis humanæ, ne dicam universæ Spirituum finitorum civitatis anima & vinculum sit; & hinc est, quod ipsis etiam gentilium sapientioribus tanti visa est loquela, ut ejus originem ad Deum ipsum referre non dubitaverint. (b) Ciceronem (c) audi, illustre illud eloquentiæ fidus; *"Vinculum, inquit, societatis est ratio & oratio, quæ docendo, discendo, communicando, discendo, judicando, conciliat inter se homines, conjungitque naturali quadam societate."* Audi Quintilianum, pereximium illum institutionum oratoriarum præceptorem: (d) *"Et bercle, Deus ille*

(a) J. F. Budd. Theol. Mor. P. 2. c. 3. L. 5. §. 4.

(b) Morhoff Polyhist. P. L. 4. c. 1. §. 4.

(c) Cic. de Off. L. 1. c. 16.

(d) Quintil. Instit. Or. L. 2. c. 16.

ille princeps, parensque rerum, fabricator mundi, nullo magis hominem separavit a cæteris, quæ quidem mortalia essent, animalibus, quam dicendi facultate."

§. XIV.

Est & alia lingvæ, qvatenus pro facultate animi sui sensa cum aliis communicandi sumitur, propago, Scripturam dico, qva vix feliciorem, aut utiliorem sibi fœtum unqvam enixa est humana industria; Hæc ipsa etiam loqvella nòn uno nomine aptior & utilior est, si enim promptius & facilius, qvòd suum est, exsequitur lingua, illud usus perennitate scriptura compensat; Sermo vivus tantum loco & tempore præsentis, pictus vero etiam longa locorum temporumqve intercapedine remotos conjungit; esse tamen scripturam sermonis oralis imaginem & symbolum res ipsa clamat, cum idem utriqve usus & natura, eoqve loqvellæ, utpote antiquiori, & generi humano cœvæ originem illa debet; unde & qvot ex arte scribendi commoda redundant, lingvæ etiam primitus accepta referre debemus, cum sine hac illa non magis exstitisset, qvam sine matre filia, sine ratione oratio.

§. XV.

Participat igitur loqvella, & eodem sibi jure vindicat, qvæ à gratitudine nostra scriptura meretur elogiâ.
Per



Per nudam signorum æquipollentium substitutionem & combinationem novas inveniri veritates docet Algebra, & cœteræ Matheseos partes, terminorum Logica; & per singula eundo scriptionis usum demonstrare, in præsens nostræ nec opis est, nec instituti; Diffunditur enim per totum, qva patet, scientiarum campum, qvòd vel ex modo dicendis dispalescit.

§. XVI.

Arctis adeo limitibus, qui nunc est rerum status, continentur animæ nostræ in inveniendò & examinando vero, vires, tamqve ardua res est, & plena laboris veritatis investigatio, ut, nisi homo homini, ætati ætas manus porrigata auxiliatrices, parum succedat; Etsi enim in eruendis rerum rationibus, sæpe ingenia recentiora inventionis gloriam præripere, aut dubiam saltim reddere vetustioribus videantur, explorata tamen veritas est, qvòd semina dogmatum recentiorum in scriptis majorum ut plurimum delitescant, qvòdque, ordine mutato, qvæ ex majoribus hausta sunt, magna ex parte nostra, tempestate doceantur, ut, qvos nostra fert ætas, eruditi, non dissimiles sint pygmæis, gigantum humeris insidentibus, a quibus elevati longius ipsis prospiciunt (a).

§. XVII.

- (a) J. Carpov. Programma de ratione Autores Classicos tractandi Gymnastica.

§. XVII.

Vides igitur, quomodo cum veritate comparatum fuisset, si de tot magnorum olim virorum nominibus, nedum dogmatibus, non superesset quicquam; Vagirent adhuc in cunis & perpetuam quasi agerent infantiam scientiæ, quæ jam tanti temporis decursu, per conjunctos tot virorum labores maturuerunt adultæ; Id vero scripturæ debetur in solidum, quod tot illustres antiquorum labores, excolendis uberius animis nostris servaverit. (a)

§. XVIII.

De historia quid dicam? per quam, ut cum Poëta loquar,

Damna brevis reparamus ævi;

Hujus quantum sit momentum, quanta utilitas (b) pro me dicat Tullius (c) "*Historia, inquit, testis est temporum, vita memoria, magistra vite, nuntia vetustatis.*"

§. XIX.

Temporis igitur eminus exacti memoria, nisi literarum & scripturæ beneficio, firmitus pedem figere posset, sed per hominum sibi succedentium ora lubricis gradibus ad posteros descendere deberet, vereor ne nihil,
nisi

(a) Morhoff. Polyhist. P. 1. L. 4. c. 1. §. 8.

(b) Log. de Crofa P. 1. S. 2. c. 2.

(c) Cic. de Orat. L. 2.



nisi propiora, eaqve non integra, sed, non secus ac de domus incendio quod rapitur, ustulata; incuria scilicet, & parum fidæ vetustatis vel oblivione ambesa, vel fabulis adulterata, retineret sequior ætas, & nubem pro Junone sæpius amplecti cogeretur: Quanta igitur scripturæ, & per scripturam lingvæ in genus humanum merita sint & utilitas, nemo ambigere potest, cui sinistra rite mamilla subsilit.

§. XX.

Ante autem, quam de tabula manum auferam, unicum addam, quod si cætera omnia deessent, in aperta poneret luce, quanti sit habenda loquendi facultas. Nimirum ut, quemadmodum cum cæteris ad gloriam Dei, ejusque Majestatem agnoscendam & concelebrandam in rerum primordiis totus conditus est homo, ita tota ejus in quocunque demum statu constituti, felicitas & beatitudo in intima veneratione Dei & amore sita est; Illa vero veneratio Numinis intra recessus animæ latitare nevtiquam debet, sed prodire foras, ut & nostram, & aliorum devotionem augere, excitare & fovere queat; si enim non tantum animam, sed & corpus, & facultatem loquendi a Deo in creatione rerum accepit homo, certe totum hominem Deus vicissim requirit, & harmonia interiorum & exteriorum delectatur, nec in cultu tantum interno acquiescit semper, sed & externum sibi deposcit. Quidquid autem homo ut creatura rationalis, velut sibi proprium

proprium a Deo accepit, id in hujus gloriam & cultum convertere lex naturæ jubet, unde simul patet cultum Dei externum tertio Decalogi præcepto injunctum, & institutionem Sabbati legis esse moralis.

§. XXI.

Hunc etiam præcipuum esse lingvæ usum ipsi gentiles agnoverunt; bene Cicero pietati preces sonoras jungit, *“Nulla, inqviens, re magis afficitur Deus, quam pietate & justis precibus (a). Bene Arrianus Epiæcteti Discipulus & commentator (b). Si sani essemus, quid nobis aliud agendum erat, & publice & privatim, quam Numen celebrandum & laudandum, & grates persolvendæ? Nonne & inter fodiendum & arandum, & edendum hymnus cantandus erat Deo. — Si lusciniæ essem, lusciniæ officio fungerer, & Olor Oloris, nunc rationis cum particeps sim, Deus mihi celebrandus est.*

§. XXII.

Ex innumeris fere Christianorum hac de re testimoniis satis erit unum adduci Alstedii locum (c), quo lingvæ naturam & usum breviter & accurate ita exponit:

C 2

“Facultas

(a) Cic. pro Cluentio.

(b) Arr. Comment. in Epiæct. L. I. c. 16.

(c) Alsted. Theol. Nat. P. 2. p. 606.



“Facultas loquendi est, quæ homo res conceptas per voces articulat aliis enunciare & significare potest, Deumque celebrare debet. & alibi (a) “Facultas loquendi soli homini rationis participi data est, ut Deum invocet & celebret, proximumque suum juvet, docendo, refutando, corrigendo, movendo & consolando, & denique se ipsum oblectet” & nonnullis interpositis, “Huc quoque pertinet cantus, nam homo naturaliter fertur ad voluntatis & affectuum suorum conceptus harmonica voce significandos & exprimendos; Ideoque canendum, canere autem est harmonice loqui.”

§. XXIII.

Qvos & alios lingvæ usus & momenta singula cum obtueor, & perpendo, etsi cætera, Augustino adstipuler, cum, *facilius*, inquit, *possumus dicere, quid non sit in vita æterna, quam quid ibi sit.* Vero tamen proxima mihi videtur sententia statuentis, futurum etiamdum in altera vita loqvæ usum; Communis ea quidem Theologorum assertio est, etsi in determinando, quæ & qualis illa futura sit lingua, in varia sententiarum divortia abeant, cum quidam sunt, qui electos quodam omnes locuturos lingvas existiment, cum Salmerone (b) & Nicolai (c) his præcipue moti rationibus. 1.) Quia omnium habituri

(a) ll. cit. p. 703.

(b) Salmer. Comment. in I Cor. 13. v. 8. p. 171.

(c) Phil. Nic. de Vita æterna L. 5. p. 1081.

habitura sunt notitiam. 2.) ex Philipp. 2. v. II. *Omnis lingua confitebitur, quod Christus sit dominus.* Alii, iique non paucissimi Hebræam linguam locuturos fore electos, in qua sententia probanda laboriosus est Schertzerus (a) & plures (b). Sunt denique, qui novam volunt electis linguam infusum iri, eminentiorem longe & excellentiorem, angelis solum usitatam (c) id quod adstruere nituntur dictis Scripturæ sacræ, maxime sequentibus: 1 Cor. 13. v. 8. 2 Cor. 12. v. 4. Saph. 3. v. 9. Luc. 20, v. 36. coll. 1 Cor. 13. v. 1.

§. XXIV.

Prima dictarum sententia adeo vacillare mihi videtur, ut ejus argumenta nominasse sit refutasse. *Secunda* autem, etsi se Theologis & Philologis magni nominis & numeri tantopere probaverit, tamen excipi poterit ali-

C 3

quid

(a) Schertz. Systh. Theol. Loc. 23. p. 636.

(b) P. Galatinus de Arcanis C. 5. l. 12. c. 4. G. Georg. Vener. Harm. Mund. Cant. 3. T. 7. c. 2. Remig. ad 1 Cor. 13. Leuften Phil. Ebr. p. 202. Danhav Hodof. Phœn. 12. p. 1491. Pfeiff. Introd. in Or. Quæst. 7. p. 12. & hi quidem, referente Joh. Christoph. Casp. in Diss. de Lingva prima.

(c) Hujus Sententiæ sunt Cornel. a Lapide in 1 Cor. 13. p. 229. Waltonus Proleg. 3. n. 25. Bochart Phaleg. p. 59. & ex nostris C. E. Brochmannus Systh. Theol. De vita æt. Cas. Consc. 4.



quid contra eas, quibus adstruitur, rationes. Etenim 1^{mo}. locum Soph. 3. v. 19. quod attinet, tum ille vix de electorum lingua agit, nec explicatio ex Targum Jonathæ adscita tanti est, ut id extra dubium ponatur. 2^{do}. Nec plus valet, quod Esajas cap. 6. v. 3. Cantum angelorum hebraice scriptum nobis reliquerit, aut Apoc. 19. v. 4. sancti dicuntur cantaturi *Amen Halleluja*. Proxime enim sequenti mox dicti capitis versu, ut & alibi pluries, græce referuntur aliæ voces itidem dicendæ. Nec 3^{io}. firmitus inde petitur argumentum, quod Act. 26. v. 14. Christus ex cælis *dialecto Hebræa* Paulum allocutus dicatur; etenim *Græca* Johannem in Apocalypsi, *Cananea* Abimelechum Gen. 20. v. 3. Deus appellavit, & festo Pentecostes per ora Apostolorum *diversis lingvis* locutus est Spiritus Sanctus Act. 2. v. 4. 4^{to}. & ultimo, quod hujus Sententiæ fulcrum est, certo rem non evincit, nimirum, quod lingua Hebræa fuerit primæva, & homini integro in Paradiso, ut sic dicam, vernacula, & reliquæ omnes linguæ sint peccati, temeritatis scilicet Babelicæ pœna: Illud enim nondum extra dubium est, negantibus assertum viris maximæ eruditionis & judicii, criticis: Capello, Grotio, Clerico & aliis (a).

§. XXV.

- (a) Morh. Polyh. P. I. L. 4. c. 3. §. 1. Henr. Wilh. Clemm, Versuch einer critischen Geschichte der Hebräischen Sprache. c. 2. §. 12. sq.

§. XXV.

Et si vel maxime iis, qui huic sententiæ patrocinantur, largiri velimus, linguam hebræam esse primævam, nihil proficient, dum non probaverint inde sequi linguam primævam fore linguam beatorum, fuerit enim, concedo, illa lingua, ut pote quam vel Dei & angelorum consortio didicerit homo integer, vel in ipsa creatione divinitus & immediate sibi datam acceperit; fuerit, inquam, illa omnium, quæ nunc quidem sunt, aut fuerunt deinceps, linguarum perfectissima, fuit tamen & illa ipsa huic tabernaculo, terræ nimirum accommodata, plena divesque, modo perfecta fuerit, rerum sensualium nominibus & notionibus, quarum pleraque omnia cum hujus mundi schemate peritura sunt; In his igitur terris perfecta utique esse poterit lingua, quæ civitate cælesti & aula Numinis perquam indigna est, quæ alias res, & aliter cognitæ nobis repræsentabit, quam quæ nostros sub ista nocte sensus, mentemque pastæ sunt.

§. XXVI.

Ultimæ igitur Sententiæ accedo; *novum* scilicet *istum statum novam sibi linguam poscere*. Verum quocunque res cedat, loqvela etiam vocali electos in altera vita gavisuros Apoc. 5. v. 9. Cap 7. v. 10. sq. Cap. 12. v. 10. ibidemque descriptæ plurimæ doxologiæ & sermocinationes



nes beatorum innuere videntur; Qvin & discursus ille
 & colloquium, qvod in ultimis totius mundi comitiis,
 judicem inter & judicandos habebitur, Matth. 25. v. 34.
ad finem, idem demonstrat; Qvicqv id enim habent re-
 fuscitati, fictis jam in eas, qvas semper retinebunt, for-
 mas, corporibus, illud habebunt sine fine in duplice,
 illo statu, qvem, lata jam & prolata judicii sententia,
 bifido statim itinere ingredientur. Uti igitur damnati
 præ dolorum impatientia, lingvas suas mordebunt, mu-
 tuisque petiti gement opprobriis, ita etiam electos, inter
 beatorum chorevma cœlitum, cum angelicum illud
 τῶν ἀγίων ingeminabitur, mutos & elingves
 futuros non existimo.



